

Awadhi Easy-to-Read Version

Language: अवधी (Awadhi)

Provided by: Bible League International.

Copyright and Permission to Copy

Taken from the Awadhi Easy-to-Read Version © 2005 by Bible League International.

PDF generated on 2017-08-25 from source files dated 2017-08-25.

a1ae5774-2ca2-500b-8aeb-2c74229c4519

ISBN: 978-1-5313-1308-1

पतरस क दूसरी पत्र

१ ईसू मसीह क सेवक अउर प्रेरित समौन पतरस कईती स,

उ लोगन क नाउं जेनका परमेस्सर स हमरे जइसा बिस्वास प्राप्त अहइ। काहेकि हमार अउर उद्धारकर्ता ईसू मसीह निआव क कर्ता अहइ।

२ तू परमेस्सर अउर हमरे परभू ईसू क जान चुका अहा इ खातिर तू सबन्क परमेस्सर क कृपा अउर अनुग्रह बहुतइ जियादा मिली होई।

परमेस्सर हमका सब कछू दिहे बाटइ

३ अपने जिन्नगी क खातिर अउर परमेस्सर क सेवा खातिर जउन कछू हमका चाही तउन सब हमका अपने दिव्य सक्ती अउर अच्छाई दुआरा उ हमका दिहे अहइ। काहेकि हम पचे ओका जानित ह जउन अपने धार्मिकता अउर महिमा क कारण स हमका बोलाएस हवै। ४ एनहिन क दुआरा उ हमका अइसे महान अउर अमूल्य बरदान दिहे अहइ, जउन देइ क खातिर उ प्रतिग्या करे रहा। जेहसे तू पचे परमेस्सर क दिव्य प्रकृति क साझीदार अउर भ्रस्टाचार स बच सका, जउन लोगन क बुरी इच्छन क कारण स इ संसार मँ बना अहइ।

५ एही खातिर अपने बिस्वास मँ नीक गुणन क नीक गुणन मँ गियान क, ६ गियान मँ आत्म-संयम क, आत्म-संयम मँ धीरज क, धीरज मँ परमेस्सर क भक्ती क, ७ ईसू क भक्ती मँ भाइयन अउर बहिनियन क, भाइयन अउर बहिनियन मँ प्रेम क उदारता क संग बढ़ावत चला। ८ काहेकि अगर इ गुण तू पचन मँ अहइ अउर ओनकर विकास होत बाटइ तउन उ पचे तोह सबन क कर्मसील अउर सफल बनाइ देइही अउर ओनसे तू पचे क हमरे परभू ईसू मसीह क पूरा गियान मिल जाई। ९ मुला जेहमाँ, ई गुण नाहीं बाटेन, ओहमाँ दूर-दिस्ती नाहीं बा, उ आँधर अहइ। अउर उ ई भूल गवा अहइ कि ओकरे पाछे क पापेन क धोइ दीन्ह गवा अहइ।

१० एही बरे भाइयो तथा बहिनियो, ई दिखावड खातिर खूब तइयार रहा कि वास्तव मँ तू पचन्क परमेस्सर दुआरा बोलावा गवा अहइ अउर चुना गवा अहइ काहेकि अगर तू पचे इ बातन क करत

अहा तउ न कबहूँ ठोकर खाब्या अउर न गिरब्या। ११ अउर ई तरह स हमरे परभू अउर उद्धारकर्ता ईसू मसीह क अनन्त राज्ज मँ तू पचन्क महान प्रवेस दइके परमेस्सर आपन उदारता देखाई। उ राज्ज हमेसा हमेसा चलत रही।

१२ इहइ कारण स मई तू पचन क, यद्यपि तू पचे ई जानत ही अहा कि जउन सत्य तोहका मिला अहइ, ओह पइ डटे रहा, मई ई बातन क सदा याद करावत रहब। १३ जब तक मई काया मँ रहबइ तू सबन्क याद देवाइके सचेत करत इ उचित जानित हउँ। १४ काहेकि मई इ जानित हउँ कि मोका अपने इ काया क जल्दी ही छ्यौड़इ क होई जइसेन हमरे परभू ईसू मसीह मोका देखाएस ह। १५ एही बरे मई आपन पूरा परयत्न करबइ कि मोरे मरि जाइके बाद भी तू पचे मोरे इ बातन क याद रख सका।

हम मसीह क महिमा क दर्सन किहत

१६ जब हम आपन परभू ईसू मसीह क सामरथ क बारे मँ बताए अही अउर ओकरे अवाई क बारे मँ भी कहे अही। तउ हम चालाकी स गद्दी भइन किस्सन क सहारा नाहीं लीन्ह काहेकि हम तउ ओहकी महानता क खुदइ गवाहदार अही। १७ जब परमपिता परमेस्सर स उ सम्मान अउर महिमा पाइ लिहस तउ दिव्य उपस्थिति सही विसिस्ट वाणी परगट भइ रही, “इ मोर पिआरा बेटवा अहइ, मई एहसे प्रसन्न हउँ।” १८ हम आकास स आई भइ इ वाणी सुने रहेन। तबहिं तउ हम पवित्तर पर्वत पइ ओकरे साथेन रहेन।

१९ हमहूँ क भी नबियन क बचन क पुस्टी पइ अउर जियादा आस्था होइ गइ। इ बात प धियान दइके त पचे इ अच्छा करत अहा काहेकि इ तउ एक प्रकास बाटइ जउन अँधियारे टाँव मँ तबइ तक चमकत रहत ह जब तलक पौ फाटत ह अउर तोह सबन क हिरदइ मँ भोर क तारा उदय होत ह। २० मुला सबसे बड़ी बात इ अहइ कि तू पचन्क जान लेइ चाही कि पवित्तर सास्तरन क कउनउ भविस्सवाणी नबियन क अपने बिचारन क परिणाम न अहइ। २१ काहेकि कउनउ मनई जउन कहइ चाहत ह ओकरे अनुसार भविस्सवाणी नाहीं होत बल्कि पवित्तर आत्मा क प्रेरणा स मनई परमेस्सर क वाणी बोलत ह।

झूठे उपदेसक लोग

२ जइसा भी रहा होइ उ संतान क बीच मँ साइत झूठे नबियन देखाइ देइ लगत रहेन बिल्कुल उहइ तरह झूठे उपदेसकन तू सबन्क

बीच में भी परगट होइही। उ घातक विचारन क सुरुआत करिही अउर उ सुआमी क नकार देइही जउन ओनका आजादी दिआए रहा। इ प्रकार अइसा कइके उ जल्दी बिनास क न्यौतिहई।^२ बहोत लोगन ओनकइ अनैतिक भोग-विलास क तरीका क पाछे, चलिही ओनहिन क कारण स सत्य क मार्ग स बदनाम होई।^३ लोभ क कारण स उ बनावटी बातन स तोहसे पैसा कमइहई। ओनके दंड परमेस्सर क दुआर बहोत पहिलेन स निर्धारित कीन्ह जाइ चुकाह। ओनकर बिनास तइयार अहइ अउर ओनकर प्रतीच्छा करत बाटइ।

^४ काहेकि परमेस्सर उ पाप करइवाले दूतन तक क नाही छोड़ेस अउर ओनका पाताल लोक अंधेरे कोठरियन में डाइ दिहिस कि उ निआव क दिन तक उहइ पइ पड़ा रहई,

^५ उ उ पुरान संसार क भी नाही छोड़ेस मुला नूह क उ समइ रखवारी किहेस जब अधर्मियन क संसार प जलप्रलय भेजी गइ रही। नूह ओन आठ मनइयन में रहा जउन जलप्रलय क समइ बचा रहेन। उ जउन उचित अहइ, ओकर उपदेस देत रहा।

^६ सदोम अउर अमोरा ह जइसेन नगरन क बिनास क दण्ड दइके ओनकइ राखी बनाए दीन्ह गवा रहा ताकि अधर्मियन क साथ जउन बाते घटिहई, ओनके खातिर इ एक चेताउनी होइ।

^७ परमात्मा लूत क बचाइ लिहिस जउन एक अच्छा मनई रहा। उदण्ड मनइयन क अनैतिक आचरण स दुःखी रहत रहा।^८ उ धर्मी पुरुस ओन लोगन क बीच में रहत भवा रोजइ रोज जउन देखत अउर सुनत रहा ओसे ओनके नेक आतिमा तइपत रही।

^९ एहि प्रकार पर्भू जानत ह कि निआव करत समइ धर्मात्मा मनइयन क कइसे बचावा जात ह अउर दुस्ट लोगन क कउने तरह दण्ड देइ क खातिर कइसे रखा जात ह।^{१०} खासकर ओन लोगन क बरे जउन आपन पाप स भरी भइ प्रकृति स बुरे कामन क करत जिअत ही।

ओनकइ पापमय मन पर्भू क सत्ता क अवहेलना करत ह। ई पचे उदण्ड अउर स्वेच्छा चारी अहई इ महिमावान सरगदूतन क अपमानौ करइ स नाही डेरात अहई।^{११} जब कि इ सबइ सरगदूतन जउन सकती अउर समरथ में एनसे बड़े अहई, पर्भू क सामने ओन पइ कउनो निन्दापूर्ण दोख नाही लगावत

^{१२} मुला इ पचे विचारहीन पसुवन क बराबर अहई जउन आपन सहजवृत्ती क अनुसार काम

करत ही। जेनकइ जनम एही बरे होत ह कि उ पकड़े जाई अउर मार डाए जाई उ पचे ओन विसयन क विरोध में बोलत हीं जेनके बारे में इ सबइ अवोध अहई। जइसे पसु मार डावा जात अहई, वइसेन एनहू क नस्ट कर दीन्ह जाइ।^{१३} एनका बुराई क बदला बुराइन स दीन्ह जाई। दिन क प्रकास में भोग-विलास करव एनका भावत ह।

काहेकि उ पचे अपने छलपूर्ण करजरन क फल भोगत ही। इ लज्जापूर्ण धब्बे अहई। जब इ पचे तू पचन क साथ उत्सव में सामिल होत ही तउ^{१४} इ कउनो अइसेन स्त्री क ताक में रहत ही जेहिके साथ व्यभिचार कीन्ह जाइ सकइ। इ तरह स एनकइ आँखी पाप करइ स बाज नाही अउतिन। इ पचे ढुलमुल लोगन क पाप करइ क खातिर फुसलाय लेत ही। इ लोगन क मनवा पूरी तरफ स लालचा में अभ्यस्थ अहई। इ पचे अभिसाप क लरिका अही।

^{१५} सीधा-सादा मारग छाँड़िके भटक गए बाटेन। बओर क लरिका बिलाम क मार्ग प इ पचे चलत अहई बिलाम ओकर रुचि गलत रस्ता क फले में अहइ।^{१६} मुला ओकरे दोखन क खातिर एक गदही जउन बोल नाही पावत रही, मनई क बानी में बोलिके ओका डॉटिस फटकारिस अउर उ नबियन क उन्मादी कामन क रोकिस।

^{१७} इ झूठे उपदेसक सूखे जल क सोता अहई अउर अइसे जल रहित बादल अहई जेनका तूफान उड़ाइ लइ जात ह। इ पचन क खातिर गझिन अन्धेरी जगह इ काम क बरे निहचित कीन्ह गइ अहइ।^{१८} इ पचे झूठे उपदेसकन अरथहीन डीगन स उ लोगन को प्रलोगभित कइ देत ही, जे बस अभी ही गलत जीवन बितावइवालन लोगन स अलग आवत ही।^{१९} इ झूठे उपदेसकन उनका छुटकारा क बचन देत ही, काहेकि कउनो व्यक्ति जउन ओका जीत लेत ह, उ ओनहिन क दास होइ जात ह।

^{२०} एहि खातिर अगर इ हमरे पर्भू अउर उद्दाकर्ता ईसू मसीह क जान लेई अउर संसार क खोट स बच निकरइ क पाछे, अगर ओहमाँ फिन फँस जात ही तउ ओनकइ दसा पहिले स भी खराब होइ जात ह।^{२१} एहसे तउ नीक भवा होत कि इ उचित मार्ग क जानि न पउतेन बजाए एकरे कि उ पचे इ पवित्र आग्या स मुँह फेर लेतेन।^{२२} उ पचेन क साथे तउ वइसेन घटना घटी जइसेन मसला अहइ, “कुकुर अपने उल्टी क पास ही

लोटत ह।” *अउर “एक नहाई भइ सुअरी कीचड़ मँ लौटइ खातिर फिन लउट जात ह।”

ईसू फिन आई

३ ?पिआरे बन्धुअन, अब ई दूसर पत्र अहइ जउन मई तू पचन क लिखिके मई तू सबन क सच्चे सोच क जगावई क जतन कीन्ह ह। २ जेहिसे तू उ पवित्र नबियन दुआरा पहिले कहे गए बचनन क याद करा अउर हमरे पभू अउर उद्धारकर्ता क आदेस क जउन तू सबन क प्रेरितन दुआरा तू पचन क दीन्ह गएन ह, धियान राखा।

३ सबसे पहिले तू पचन क इ जान लेइ क चाही कि आखिर दिनन मँ स्वेच्छाचारी जउन बुरी इच्छन क अनुसरण करत ही अउर उ पचे तोहरे लगे हँसी उड़ावत भए अइही। ४ अउर तू सबन स कइही, “का भवा ओकरे फिन आवइ क प्रतिग्या का ? काहेकि हमरे पूर्वजन तउ चल बसेन। मुला जब स सुस्ति बनी ह, तइसेन हर बार चलत आवत अहई।”

५ मुला जब उ पचे इ आरोप करत ही तउ उ इ भूल जात ही कि परमेस्सर क वचनन क दुआरा आकास जुगन स विद्यमान अहइ अउर धरती जल प बनी बाटइ अउर जल प स्थिर बा। ६ अउर इ जल क कारण स उ जुग क संसार जल प्रलय स नस्ट होइ गावा। ७ मुला इ आसमान अउर पृथिवी जउन अबइ, उहइ आदेस स नस्ट होइ क खातिर सुरच्छित अहई। एनका उ दिना खातिर रखा जात ह जब अधर्मियन क निआव होई अउर उ पचे नस्ट कर दीन्ह जइही।

८ मुला पिआरे बन्धुओ, एक बात क जिन भुला, पभू क बरे एक हजार साले एक दिन क समान होत ह अउर एक दिन एक हजार बरस क बराबर होत ह। ९ पभू आपन प्रतिग्या पूरी करइ मँ देर नाही लगावत। जइसेन कछू मनई सोचत ही। बल्कि उ हमरे प्रति धीरज धरत ह काहेकि उ कउनो मनई क नस्ट नाही करइ चाहत ह, बल्कि उ तउ चाहत ह कि सभी मनई मनफिराव क तरफ बढ़ई।

१० मुला पभू क दिन आई। एक दिना पभू चुप्पेचाप चोर सही अहइ। उ दिन एक भयंकर

गर्जना क साथे आकास विलीन होइ जाई अउर आकास क नखत भसम होइके नस्ट होइ जइही अउर इ धरती पे रहइवालेन क करम उजागर होइ जइही। ११ काहेकि जब इ सब चीजन इ तरह स नस्ट होइ जाइही तउ तू सोचा कि तू लोगन क कउनउ तरह क जीवन जियइ क चाही। तोहे सबन्क पवित्र जीवन जियइ क चाही, पवित्र जीवन जउन परमेस्सर क अपित अहइ अउर सब तरह क उत्तम करम करइ क चाही। १२ अउर तोहे सबन्क परमेस्सर क दिन क बाट जोहइ क चाही, अउर ओके जल्दी आउब क बरे काम करा। उ दिन अउतइमान आकास लपटन मँ जल क नस्ट होइ जाई आकास क नखत ओकरे ताप सेही पिघल उठिही। १३ मुला हम पचे परमेस्सर क वचन क अनुसार एक नवा आकास अउर नवी धरती की बाट जोह रहा अहइ जहाँ धार्मिकता रहत ही बाटइ।

१४ इ पिआरे बन्धुओ, काहेकि तू एन बातन क बाट जोहत अहा, पूरा परयत्न करा कि पभू दुआरा सान्ति मँ निर्दोष अउर कलंक रहित पावा जा। १५ हमारे पभू क धीरज क उद्धार समझा। जइसेन कि हमरे पिआरे बन्धु पौलुस परमेस्सर दुआरा दीन्ह गए विवेक क अनुसार पचन्क लिखेन ह। १६ अपने दूसर सभी पत्रन क समान उ पत्र मँ भी इ सब बातन क बिसय मँ कहेउँ ह। ओन पत्रन मँ कउनो कउनो बात अइसी अहइ जेकर समझव मुस्किल बा। अगियानी अउर अस्थिर लोग ओकरे अरथ क अनर्थ करि डावत ही। दूसरे पवित्र सास्तरन क साथ भी अइसेन ही करत ही। इ तरह उ अपनेन पैर मँ कुलहाड़ी मारत अहई।

१७ पिआरे बन्धुओ, काहेकि तू पचन क इ बातन पहिलेन स पता अहई। इ खातिर सावधान रहा अउर व्यवस्थाविहीन मनइयन क दुआरा भटकाए जाए पइ अपने क सुरच्छित स्थान स न डिगवा। १८ बल्कि हमरे पभू तथा उद्धारकर्ता ईसू मसीह क अनुग्रह अउर ग्यान मँ तू पचे आगेन बढ़त जा। अबइ अउर अनंत समइ तक तू ओकर महिमा गावत रहा।